

CLWB PLANT TRWY'R POST

Pecyn wythnosol 14
29/06/20

Gweddi'r Arglwydd Rhan 1

Stori a gweithgareddau i'w gwneud gartref
tra dydyn ni ddim yn gallu cyfarfod.

Paid â phoeni os na wnei di bopeth.
Gwna yr hyn yr wyt yn ei ffansio a chael hwyl!



Paratowyd y pecyn hwn gan:

Andy Hughes - Saint y Gymuned, Susan Williams - Cynllun EFE a Chapel Caersalem, Caernarfon,
Nia Williams - Capel y Drindod Pwllheli, Jennifer Roberts - Eglwys Unedig Jerwsalem Bethesda
gyda chymorth, syniadau ac adnoddau gan Mair Roberts, Kathryn Williams, Alan Petch,
Leah Montgomery, Greg Leavers & Gwyn Rhydderch

An English
version
is also
available

Dalier sylw os gwelwch yn dda. Am resymau hawlfraint dylai'r pecyn hwn gael ei ddsbarthu'n gyflawn ac yn rhad ac am ddim. Nid yw unrhyw adran o'r pecyn i gael ei ddefnyddio ar wahân neu ei gopïo gan unrhyw gyhoeddiad arall heb yn gyntaf gael caniatâd. Cysylltwch ag Ahughes@saintygyuned.org



Stori

Fersiwn Beibl.net

“A pheidiwch gweddïo fel y rhai sy'n gwneud sioe o'u crefydd. Maen nhw wrth eu boddau pan mae pobl yn edrych arnyn nhw yn codi i weddïo yn y synagogau neu ar strydoedd prysur. Credwch chi fi, dyna'r unig wobwr gân nhw! Pan fyddi di'n gweddïo, dos i ystafell o'r golwg, cau y drws, a gweddïo ar dy Dad sydd yno gyda ti er dy fod ddim yn ei weld. Wedyn bydd dy Dad, sy'n gweld pob cyfrinach, yn rhoi dy wobwr i ti. A phan fyddwch chi'n gweddïo, peidiwch mwydro ymlaen yn ddiiddiwedd fel mae'r paganiaid yn gwneud. Maen nhw'n meddwl y bydd Duw yn gwranddo am eu bod yn gweddïo mor hir. Peidiwch chi â bod fel yna. Mae'ch Tad chi'n gwybod yn union beth sydd ei angen arnoch chi cyn i chi ddweud gair.



“Dyma sut dylech chi weddïo:

‘Ein Tad sydd yn y nefoedd,
dÿn ni eisiau i dy enw di gael ei anrhydeddu.
Dÿn ni eisiau i ti ddod i deyrnasu,
ac i'r cwbl sy'n dda yn dy olwg di
ddigwydd yma ar y ddaear fel mae'n digwydd yn y nefoedd.
Rho i ni ddigon o fwyd i'n cadw ni'n fyw am heddiw.

Mathew 6:5-11 Beibl.net



Fersiwn syml

Peidiwch â gweddïo fel y bobl eraill o'ch cwmpas, sy'n gweddïo er mwyn pobl eraill nid er mwyn Duw. Pan fyddwch yn gweddïo, chwiliwch am le i fod ar eich pen eich hunain fel mai dim ond Duw sy'n eich clywed ac mi fydd Duw yn eich gwobrwyo. Does dim rhaid i'ch gweddïau fod yn hir er mwyn cael sylw Duw, a pheidiwch ag ailadrodd geiriau heb feddwl. Mae Duw yn gwybod beth yr ydych ei eisiau cyn i chi ofyn.

Dyma sut ddylech chi weddïo:

Dduw Dad, rwyf ti'n wych!
Rwyf am i ti fod yn ben.
Os gweli di'n dda rho beth sydd ei angen arnom.

Cwestiynau i'w Trafod

Ar ôl darllen y stori gyda'ch gilydd, fe allech chi drafod y cwestiynau hyn fel teulu:

1. Gyda phwy fyddi di'n mwynhau siarad? Am beth fyddi di'n siarad?
2. Pam wyt ti'n meddwl fod lesu eisiau i ni alw Duw yn Dad?
3. Pa fath o bethau wyt ti'n feddwl fuasai'n gallu bod yn well ar y ddaear?
4. Sut fedri di adael i Dduw fod yn frenin ar dy fywyd di?



Gweddï fer

O Dduw, rwyf Ti mor wych!
Rwyf Ti mor fawr, mor dda ac mor nerthol.
Rydw i eisiau i Ti fod yn ben ar fy mywyd i. Plîs helpa fi i fyw'n dda.
Diolch i Ti am y bwyd dwi wedi'i gael heddiw. Diolch i Ti dy fod Ti'n rhoi bob dim dwi ei angen i mi.
Amen.

Gweddi'r Arglwydd wedi'i haddasu ar gyfer plant


www.lambsongs.co.nz Jill Kemp Cyf. Susan Williams Lluniau: Richard Gunther



Gweddio ydy siarad gyda Duw. Byddai Iesu'n gweddio ar Dduw ei dad oedd yn y nefoedd o hyd ac o hyd.




Dysgodd Iesu ei ffrindiau i weddio fel hyn, "Ein Tad yn y nefoedd..."




mae dy enw di'n bwysicach nag unrhyw enw arall ar y ddaear ac yn y nefoedd.



Gwna'r byd hwn yn le heddychlon ble gall pobl dy garu di Dduw a gwneud yr hyn sy'n dda ac yn gywir, yn union fel ag y mae hi yn y nefoedd.



Heddiw rho i ni'r bwyd y mae'n cyrrff ni ei angen a chadw ni rhag gael ein brifo.



Maddau i ni a helpa ni i faddau i eraill, hyd yn oed os ydyn nhw'n gas gyda ni.



Atgoffa ni i wneud y dewisiadau gorau a'r hyn rydan ni'n gwybod sy'n iawn



oherwydd ti ydy Brenin y bydysawd a thi sy'n rheoli'r holl fyd. Rwy't ti'n Dduw mawr, gwych. Amen.

Ein Tad sydd yn y nefoedd,
dyn ni eisiau i dy enw di gael ei
anrhydeddu.

Dyn ni eisiau i ti ddod i deyrnasu,
ac i'r cwbl sy'n dda yn dy olwg di
ddigwydd yma ar y ddaear fel
mae'n digwydd yn y nefoedd.

Rho i ni ddigon o fwyd i'n cadw ni'n
fyw am heddiw.

Maddau i ni am bob dyled i ti
yn union fel dyn ni'n maddau
i'r rhai sydd mewn dyled i ni.

Cadw ni rhag syrthio pan fyddwn
ni'n cael ein profi,
ac achub ni o afael y drwg.

Achos ti sy'n teyrnasu,
ti sydd â'r grym a'r
gogoniant am byth.

Amen



Posau

Adnod mewn cod

Datrysa'r cod i ddod o hyd i'r adnod

M⇒e'ch ◆⇒d ch↓'■ →▷▲b□d ▲■

u■↓□■ be◆h s▲dd e↓ ⇒■→e■

⇒r■□ch ch↓ c▲■ ↓ ch↓ dd▷eud

→⇒↓r. M⇒◆he▷ 6 ⇒d■□d 8

Allwedd y cod:

a = ⇒

t = ◆

w = ▷

n = ■

i = ↓


y = ▲

g = →

o = □

Ble allet ti weddio?

Ticia'r lluniau o'r lleoedd rwy't ti'n meddwl y gallet ti weddio.



Llenwa'r blychau i gwblhau'r weddi

Ein sydd yn y
dyn ni eisiau i dy enw di gael ei anrhydeddu.
Dyn ni eisiau i ti ddod i deyrnasu,
ac i'r cwbl sy'n yn dy olwg di
ddigwydd yma ar y fel mae'n digwydd yn y nefoedd.

Rho i ni ddigon o fwyd i'n cadw ni'n fyw am .

Maddau i ni am bob dyled i ti
yn union fel dyn ni'n
i'r rhai sydd mewn dyled i ni.

Cadw ni rhag syrthio pan fyddwn ni'n cael ein profi,
ac achub ni o afael y .

Achos ti sy'n teyrnasu, ti sydd â'r grym a'r gogoniant am .

Chwilair

Mae geiriau'r adnod hon yn cuddio yn y chwilair. Fedri di ddod o hyd iddyn nhw i gyd?

MAE'CH TAD CHI'N GWYBOD YN UNION BETH SYDD EI ANGEN ARNOCH CHI CYN I CHI DDWEUD GAIR.

Y	S	CH	I	N	R	W	A	U	Y
I	F	P	B	M	NG	C	Y	N	A
S	I	N	Y	O	G	A	TH	E	B
Y	TH	DD	B	A	W	I	DD	U	N
DD	A	G	I	F	Y	R	N	CH	R
Y	I	NG	G	I	B	I	I	E	L
E	CH	R	E	CH	O	N	R	A	W
LL	E	I	Y	N	D	FF	Y	M	G
A	O	CH	L	DD	H	A	G	N	L
DD	W	E	U	D	M	U	T	I	CH



Dolenni

Fideo Gweddi'r Arglwydd gyda symudiadau <https://youtu.be/1LuNXgrsrfo>



Fideo o gân yr wythnos <https://youtu.be/F0-GKJv6C5I>



Fideo: Sut i weddio <https://youtu.be/xZA9nEQaZGI>

Cartŵn Max 7 <http://www.beibl.net/sites/default/files/YPhariseada.r.casglwr.trethi.mp4>

Fideo gyda Steve a Winston (Saesneg) https://www.youtube.com/watch?v=ROow4nL_TQU



Gwybodaeth am app Arwyr Ancora - app gêm sydd ar gael am ddim <https://arwyrancora.com/>

Teyrnas y Teulu - syniadau/gemau <https://www.youtube.com/channel/UCzhjwum9-XieYxdQY-r1OJw>
(cliciwch 'Subscribe')

Adnoddau eraill <https://www.prayerspacesinschools.com/prayer-spaces-at-home>

Gweddi Greadigol



Gwneler dy ewyllys megis yn y nef, felly ar y ddaear hefyd. Dan ni eisiau i'r cwbl sy'n dda yn dy olwg ddigwydd yma ar y ddaear fel mae'n digwydd yn y nefoedd.

Mae yna lawer o arwyddion sy'n dweud wrthym beth y dylem eu gwneud a sut i gadw'n ddiogel. Os ydy'r arwydd o fewn cylch mae'n orchymyn, mae'n rhaid i ni ei wneud. Os ydy'r arwydd o fewn triongl mae'n ein rhybuddio fod perygl.

Pa fath o arwyddion wyt ti'n feddwl fyddai Duw yn eu llunio i'n dysgu ni sut i fyw? e.e. Carwch eich gilydd, peidiwch ag ymladd, gofalwch am fy myd.

Pan wyt ti wedi gorffen neu tra'r wyt ti'n llunio'r arwydd, dyweda weddi syml wrth Dduw yn gofyn am ei help i wneud yr hyn mae o am i ti ei wneud.

Diolch am fwyd

Yn y weddi ddisgodd Iesu i'w ddisgyblion dywedodd:
"Rho i ni ddigon o fwyd i'n cadw ni'n fyw am heddiw."

Bydd angen:

- Hanner llond cwpan fach o reis
- Bag plastig bach

Beth i'w wneud:

- Rho'r reis yn y bag plastig bach a chau'r bag.
- Dal y bag yn dy law. Dydy o ddim llawer o fwyd nac ydy? Mewn llawer o wledydd yn y byd dydy pobl a phlant ddim yn cael digon o fwyd.
- Meddylia am y bwyd wyt ti wedi'i gael heddiw.
- Diolcha i Dduw am y bwyd rwyd ti wedi'i fwyta heddiw – enwa bopeth.
- Meddylia am blant yr un oed â thi drwy'r byd sydd heb gael bwyd heddiw.
- Gofynna i Dduw eu helpu i gael bwyd.



Ffau weddi

Dyweddodd Iesu wrth ei ddisgyblion am fynd i ystafell o'r golwg, cau'r drws a gweddïo ar Dduw, ein Tad, sydd yno gyda ni er nad ydyn ni'n ei weld.

Bydd angen:

- Clustogau, blancedi, goleuadau bach - unrhyw beth i wneud ffau cyfforddus.
- Rhywbeth sy'n dy helpu i feddwl am Dduw – Beibl, llun, rhywbeth o fyd natur.

Beth i'w wneud:

- Gwna ffau weddi i ti dy hun gan ddefnyddio'r pethau yn y rhestr.
- Ar ôl i ti offen, eistedda yn dy ffau i siarad gyda Duw – gweddïo.
- Efallai y byddi eisiau...
 - ... diolch i Dduw,
 - ... neu ddweud 'sori' wrth Dduw,
 - ... neu ofyn am help Duw.
- Neu efallai y byddi eisiau siarad gyda Duw am rywbeth sydd ar dy feddwl.



Sialensau



Eitemau bywyd bob dydd


Fedri di ddod o hyd i eitemau bywyd bob dydd sy'n cynrychioli gwahanol rannau o Weddi'r Arglwydd?

Beth allet ti ei ddefnyddio i gynrychioli maddeuant, y byd a'n bwyd?

Casglu'r holl eitemau at ei gilydd ac yna tynna lun ohonynt i gyd.

Poster

Gwna boster o Weddi'r Arglwydd.
Ysgrifenna'r geiriau a thynna luniau lliwgar i ddangos beth mae'r geiriau'n eu meddwl.
Rho'r poster yn y ffenest.



Creffft

Ffôn gwpan bapur



Byddi angen:

2 gwpan bapur
3 clip papur
Siswrn
Llinyn tenau neu
gotwm



1. Agora'r clip papur allan yn ofalus.



2. Defnyddia'r clip papur i wneud twll yng nghanol gwaelod y ddwy gwpan.



3. Torra tua 3 metr o llinyn tenau neu gotwm – unrhyw beth yn iawn cyn belled a dy fod ti DDIM yn defnyddio elastig.



4. Gwthia un pen o'r llinyn drwy'r twll yn y gwpan.



5. Clyma glip papur yn sownd yn y llinyn tenau.



6. Gwthia ben arall y llinyn drwy'r twll yn yr ail gwpan a chlyma glip papur yn sownd ynddo.



7. Tynna'r cwpanau oddi wrth ei gilydd nes mae'r clipliau papur yn gorwedd yn fflat yn nhop y cwpanau.



8. Nawr mae dy ffôn yn barod i'w defnyddio.

Sut i ddefnyddio'r ffôn cwpanau papur

Cymer di un gwpan a chael person arall i gymryd y gwpan ar y pen arall i'r llinyn. Cerddwch i ffwrdd oddi wrth eich gilydd nes mae'r llinyn yn cael ei ddal ar dynn rhyngoch. (Sicrhewch nad ydy'r llinyn yn cyffwrdd unrhyw beth arall.) Mae un person i siarad i mewn i'r gwpan ac mae'r llall yn rhoi'r gwpan arall wrth ei glust i wrando. Fedrwn chi glywed eich gilydd?

Rysáit

Gwneud Torth o Fara



Cynhwysion:

- 400 gram o flawd ar gyfer gwneud bara
- 8 gram o halen
- 7 gram o furum
- 240 ml o ddŵr
- Hadau sesame

Dull:

1. Cymysga'r blawd a'r halen mewn powlen ac yna ychwanega'r burum.
2. Ychwanega'r dŵr a chymysga'r cyfan hyd nes y bydd gennyt does.
3. Rho'r toes ar arwynebedd sydd wedi'i ysgeintio'n ysgafn â blawd ac yna tylina'r toes am 8 – 10 munud.
4. Rhaid i ti adael i'r toes sefyll am awr hyd nes y bydd wedi codi a dyblu mewn maint.
5. Tynna'r toes o'r bowlen a'i siapio.
6. Rho'r toes mewn tun bara sydd wedi'i iro'n ysgafn ag olew.
7. Ysgeintia'r hadau sesame ar ben y dorth yn y tun.
8. Gorchuddia'r toes a'i adael am awr arall i godi unwaith eto.
9. Cynhesa'r popty i wres o 220 gradd Canradd.
10. Poba'r dorth am 25 – 35 munud nes mae'n frown euraidd.
11. Cofia adael i'r dorth oeri cyn ei thorri.



Rysáit a lluniau: Alan Petch

Amrywiad:

- Fe allet ti rwbio 25 gram o fenyn i mewn i'r blawd ac yna ychwanegu'r halen a'r burum.
- Fe allet ti frwsio top y dorth â llefrith cyn ysgeintio'r hadau sesame ar ei phen yn y tun. Mae hyn yn help i'r hadau lyngu'n y dorth.

Canu

Efallai rwyd ti ar dy feic,
efallai yn y car,
efallai mewn awyren fry
yn hedfan drwy yr aer,
efallai rwyd ti yn dy lofft
efallai rwyd mewn sŵ;
gweddïa di lle bynnag wyt,
does dim ots gan Dduw!



Dywed Duw, "Galw fi,
unrhyw dro, wneith y tro,
lle rwyd ti, clywaf fi,
Rwy'n dy garu di!"



Hawlfraint © 2001 Greg Leavers cyf. Cass Meurig

Gwylwch y gân hon a chydganu drwy glicio ar <https://youtu.be/F0-GKJv6C5I>

Os hoffech chi gerddoriaeth (hen nodiant) ar gyfer y gân hon,
cysylltwch ag Andy Hughes - Ahughes@saintygyuned.org



Gemau



Gêm munud

Bydd angen:

- 2 bowlen fach
- Grawnfwyd – ‘Cheerios’, ‘Rice Krispies’ neu rywbeth tebyg
- Llwy blastig
- Amserydd – ar oriawr neu ffôn

Sut i chwarae:

- Rho'r grawnfwyd mewn un powlen.
- Gosoda'r bowlen wag arall wrth ymyl.
- Gofynna i rywun amseru munud.
- Dalia'r llwy rhwng dy ddannedd.
- Defnyddia'r llwy i godi'r grawnfwyd i'r bowlen wag.
- Fedri di wagio'r bowlen mewn munud?



Dominos

Byddwch angen: Set o ddominos wedi'u torri allan

Sut i chwarae:

- Dewiswch 5 domino yr un.
- Mae'r domino sydd dros ben yn cael ei rhoi ar y bwrdd.
- Mae pob chwaraewr i osod ei 5 domino ar y bwrdd o'i flaen.
- Mae pawb i gymryd ei dro i fatsio geiriau sydd yr un fath â'i gilydd.
- Os nad oes gan chwaraewr air sy'n matsio mae'n rhaid iddo gollu tro.
- Parhewch i gymryd eich tro hyd nes bydd y dominos i gyd wedi'u cysylltu â'i gilydd.

Caredig

Cryf

Da

Perffaith

Gofalus

Tad

Cryf

Nerthol

Perffaith

Gwych

Brenin

Mawr

Nerthol

Presennol

Gwych

Gofalus

Mawr

Caredig

Presennol

Da

Tad

Brenin